



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Francisci Bellegambe è Societate Jesu Theologi,
Enchiridion Theologo Practicum Tripartitum, De Iubilæo
Ecclesiastico**

Bellegambe, François

Coloniæ Agrippinæ, 1700

Sectio XV. De Contingentibus Transacto Jubilæi Tempore.

urn:nbn:de:hbz:466:1-42093

S. 14. De Pœnitentiâ, & Indulg. 285
noctem. Neque enim requiritur ut
habeat usum rationis tunc, quando
effectum Indulgentiæ consequitur :
sed satis est quod antè habuerit, &
compleverit opera non retractatâ vo-
luntate. Lugo De Pœnit. diss. 27. n. 79.
Diana p. 5. tr. 12. R. 4. fine, Gobat De
Indulg. n. 144.

SECTIO XV.

DE CONTINGENTIBUS TRANSACTO JUBILÆI TEMPORE.

QUÆST. I. An possit Confessarius uti
potestate concessâ per Jubilæum, et-
iam transacto tempore?

R. Non potest circa Pœnitentem,
qui Jubilæum non obtinuit, seu opera
ad ejus consecutionem injuncta non
præstitit, ut docent omnes.

Potest verò circa eum qui obtinuit,
&c. Jubilæum enim obtentum dat
ius omni tempore etiam post Jubi-
læum, eligendi Confessarium pro
iis

5286 P. 3. De Jubilao extraordinario.

iis gratiis acquirendis, quæ tempore Jubilæi obtineri poterant, & tamen non sunt obtentæ; ut ex Suarez De Sacram. Pœnit. disp. 31. sect. 4. n. 20. a gente de absolutione à peccatis & censuris, tradit Sanchez De Matrim. l. 8. disp. 15. n. 17. &c in Decal. l. 4. c. 54. n. 39. & tanquam fundamentum plurium resolutionum ponit Gobat De Jubil. n. 242.

Et talis videtur esse mens Pontificis: quæ colligi potest ex tenore verborum Jubilæi, quibus tantum operibus injunctis præscribit tempus, in quo exequenda sunt, non autem favoribus Jubilæi, ut absolutioni à reservatis, &c. sicut bene observat Sanchez ibid. Castropalao de Indulgentijs p. 12. §. 3. n. 9. & alii.

Idem proportionaliter dicendum, scilicet acquisitum esse illud jus, etiamsi Jubilæum nondum sit obtentum, seu nondum fuerint facta omnia opera, sed tantum inchoata, & legitimate prorogata, juxta superius dicta.

Hinc

S. 15. De Contingent. post Jubil. 287

Hinc potest Confessarius absolve-re à reservatis, etiam longo tempore post obtentum Jubilæum, aut patrata tantum aliqua opera in ordine ad illud obtainendum, &c. Ut,

I. Si cœpisti confiteri tempore Ju-bilæi, & distulit Confessarius ex justâ causâ absolutionem; poterit, trans-acto Jubilæo, te absolvere ab omni-bus peccatis, censuris, uti & com-mutare vota, sicut poterat tempore Jubilæi.

II. Similiter poterit te absolvere à reservatis, ex oblivione inculpabili in confessione tempore Jubilæi factâ omissis. Sà v. *casus reservatus*, nu. 7. Suarez, Sanchez, Lessius l. 2. de *Justit.* c. 40. n. 109. Layman, *Lugo de Pœnit.* disp. 20. n. 99. &c alii communiter, cum Paludano, Navarro, &c.

III. Idem dicendum, si omisisti ex justâ causâ, v. g. ad vitandum grave-damnum, quod tibi vel alteri, ex con-fessione peccati reservati, prudenter timebas. *Lugo* n. 116. *Diana p.* 3. tr. 4.

R, 150

288. p. 3. De Jubilæo extraordinario.
R. 150. fine, cum Homobono & aliis;
Alloza v. Indulgentia , sect. 4. n. 34.
Gobat n. 263.

IV. Idem dicunt circa commutatiohem votorum; nempe, si oblituses illam petere tempore Jubilæi, posse Confessarium etiam longo post tempore commutare: id, inquam, dicunt Henriquez l. 7 c. 11. n. 4. Sayrus l. 6. c. 12. n. 17. Lessius, Sanchez, Castropalao suprà, Portel v. Indulg. & Jubil. tit. 2. n. 7. Diana p. 5. tr. 12. R. 40. Bartholom. à S. Fausto l. 4. q. 65. Gobat n. 243. (qui dicit, sæpius id se praticasse, etiam pluribus post Jubilæum annis, & commodè quidem, cùm ad commutationem faciendam vi Jubilæi, non requiratur tam gravis causa, quàm ad faciendam vi Privilegiorum Apostolicorum) & alii, contra Suarez to. 2. de Relig. l. 6. c. 16. n. 14. & 15. Filliucium tr. 8. n. 279. Layman, Bonacinam, &c.

V. Imò etiam poterit fieri ista commutatio votorum, etiamsi tempore Jubil-

S. 15. De contingent. post Jubil. 289

Jubilæi nolueris illam petere; ut expressè tradit Sanchez c. illo 54. n. 40. Lessius sup. Portel v. Indulgentia pro Jubilæo, n. 18. Barth. à S. Fausto q. 86. Gobat etiam n. 309. &c.

Q. 2. An, quando Confessio perficitur post tempus Jubilæi, possit Confessarius absolvere tunc à reservatis, commissis post tempus Jubilæi?

R. Negat Lugo diss. 20. n. 134. cum Sanctarello, Alphonso de Leone, &c. quibus, tanquam aliquantò probabilius sentientibus adhæret Gobat n. 268. Quia licet propter causam jam inceptam prorogetur jurisdictio; prorogatur tamen illa sola jurisdictio, quæ priùs concessa fuerat, & ad eadem facienda: prior autem jurisdictio fuerat ad absolvendum à peccatis & censuris contractis ante aut intra tempus Jubilæi, & non ad aliud. Atque istud certum sibi videri, dicit Georgius de Rhodes §. 6.

Affirmat tamen Bartholomæus à S. Fausto tr. de Jubil. apud Dianam p. 3.

N

18.4.

290 P. 3. De Jubilæo extraordinario.

tr. 4. R. 147. qui ejus sententiam probabilem putat, ut & ipsi Sanctarellus & Alph. de Leone. Quia, inquit Bartholomæus, per illam dilationem intendit Pontifex inducere Pœnitentes ad lucrandum Jubilæum. Sed qui de consensu v. g. Confessarii confessionem distulit, non potest lucrari Jubilæum, quin priùs ab illis absolvatur, Ergo &c. Deinde cùm Jubilæum sit Principis beneficium, nulli præjudiciale, sine aliquo textu & validâ ratione non est restringendum.

Et hanc sententiam tenent etiam Boffius & alii apud eundem Dianam p. 5. tr. 12. R. 27. & p. 11. tr. 2. R. 54. & 55. Et Lugo ipse n. 138. favet non parùm huic sententiæ; quòd nempe fuerit quædam prorogatio Jubilæi facta à Confessario differente absolutionem in aliud tempus: unde negativam suam sententiam fundat maximè in tenore Bullæ Jubilæi ab Urbano VIII. concessi anno 1636. in quâ non videbatur concessa commutatio vel prorogatio

Com.

S. 15. De contingent. post Jubil. 291

Confessionis & Communionis, ut in
aliis Bullis. Utitur autem illâ Bullâ,
quia omnium novissima respectu ip-
sius scribentis, ut habet disp. 27.n.104.

Q. 3. An possint etiam runc commutari
vota, à tali Pœnitente post Jubilei tempus
emissa?

Respondet, consequenter ad mo-
dò dicta, Affirmativè Diana p. 5. tr.
12. R. 27. cum Angelo Bossio. Affir-
mat etiam Pourié p. 2. c. 3. n. 2. Quia
respectu illius Pœnitentis prorogatum
est Jubilæum, seu facultas obtinendi
favores vi Jubilæi concessos.

Q. 4. Quid, si Titius tempore Jubilæi
non fuerit confessus, eò quod non videbatur
sibi conscius ullius peccati mortalis, imple-
vit tamen cætera in Jubilæo prescripta; An
postea memor peccati reservati, poterit ab
eo absolvî?

R. Retentâ sententiâ admodū proba-
bili, docente in Jubilæo non requiri
confessionem nisi mortalium, (de quo
sect. 7. q. 1.) dicendum subinde est, inquit
Tho. Sanchez de Matrim. l. 8. disp. 15.

N 2

n. 19.

262 P. 3. De Jubilæo extraordinario.

n. 19. & in Decal. l. 4. c. 54. n. 41. posse
transacto Jubilæo à peccatis reservatis
oblitis absolutionem, votorum com-
mutationem, & alia, si quæ sit in Ju-
bilæo concessa, obtinere.

Ratio est: Quia, ut antè diximus,
Jubilæum semel obtentum dat jus om-
ni tempore eligendi Confessarium
pro iis, quæ usque ad finitum Jubilæi
tempus concessa erant. Et ita etiam
censet Lugo *disp. 20. n. 102.* Tenent
& Sanctarellus & Alphonſus de Leo-
ne, quorum opinionem censet proba-
bilem Diana p. 3. tr. 4. n. 150. quita-
men, teste Lugone, non benè adducit
Sanchez & Suarez quasi absolute ne-
gantes. Tenent etiam Bartholomæus
à S. Fausto *Thesauro Religios.* l. 4. c. 67.
Cotonius apud Gobatum n. 243. Di-
castillo *De Pœnit. disp. 11. n. 164.* &c seqq.
Raymundus Bonal *tr. 26. lech. 53. n. 4.*
affert sententias affirmantem & ne-
gantem; neutram improbat.

Q. 5. Quid, si Titius confessus quidem
fuerit cum intentione perficiendi opera, sed
non perfecorit?

R. Pote

S. 15. De contingent. post Jubil. 293

R. Poterit quidem elapso Jubilæo
dari illi absolutio à reservatis; non ta-
men commutatio votorum; ut dictum
est scđt. 10. q. 6. quam recole: & præ-
ter Authores ibi citatos, ita etiam do-
cet Pellizarius tr. de Monialibus, c. 9. n.
21. §. Moneo 15.

Q. 6. A quo Sacerdote potest dari abso-
lutio reservatorum, & commutatio voto-
rum, iis casibus, quibus dictum est posse
dari in finito tempore Jubilæi

R. A quolibet simplici Confessario
communem jurisdictionem habente,
ut loquuntur Suarez, Sanchez, & alii;
séu, à quolibet Sacerdote communem
jurisdictionem habente in mortalia, ut
loquitur Lugo cum aliis; & est com-
munis sententia.

Atque hîc finis esto Enchiridij
quod ejus, cuius solius est Jubi-
læum concedere, supremi in Eccle-
siâ Catholicâ Pontificis, judi-
cio humillimè submitto,

